

auoir pour garder son corps et ses biens ce est quil soit ames de ses subges et de ses voisins. **E**ar tules dit. Une garnison que lon ne peult vaincre ne desconfire est lamour des citoiens.

Quant au tiers point ou les sages et les anciens dirēt que len ne doit point aler en ceste besongne soubdainement ne hastiuement mais se doit lon pourueoir et appareiller a grāt diligēce et grant deliberacion et croy quilz parlerēt biē et sagemēt. **E**ar tules dit. En toutes besongnes deuant ce que lon commēce on se doit appareillier en grant diligence. En vēgāce doncques en guerre en bataille et en garnison faire deuant ce que lon encommēce on doit faire son appareil en grāt deliberaciō. **E**ar tules dist. Bon appareillemēt de bataille fait brief victoire. **E**t cassidore dist. La garnison est plus puissant quāt elle est plus long temps pensee.

Ou cōuient aler au conseil que te donnerēt tes voisins qui te portoēt reuerēce sans amour tes ennemis reconseillez les lofengiers cilz qui te cōseillerēt vne chose en secret et aultre disoiēt en appert les iennes gēs qui tous te conseiloiēt toy vengier tātost et faire guerre incōtinēt. et certes ainsi comme ie tay dit dessus tu erras moult en appeller telz gens a ton cōseil. et cil cōseil est asses reprouuez par les choses dessusdictes. toutesuoiēs car elles sont dictes en general nous descēdrons en especial. Or veons doncques premieremēt selō ce que dit tules la verite de cest cōseil. Et certes de la verite de ceste besongne ne conuiēt pas moult enquerre car on scet biē qui sont ceulx qui te ont faicte ceste iniure. et quāt ilz sont. et cōmēt. et quāt. et quel iniure ilz ont fait. Examinons doncques la secōde cōdicion que tules met que il appelle consentemēt. **E**st a dire qui sont ceulx. et quāt ilz sont. et quelz ilz sont qui se consentēt a tel cōseil et a ta voulēte. et considerōs aussi qui sont ceulx et quant et que ilz se cōsentēt a tes aduersaires. Quāt au premier lon scet biē quelz gēs se consentent a ta voulēte. car tous ceulx que ie tay nomme dessus conseilent que tu faces guerre tātost. Or veōs doncques que tu es et qui sont ceulx q tu tiēs tāt a amis. Quāt a ta persōne iacoit ce que tu soies riches et puissans. toutesuoyes tu es tout seul et nas nulz enfans males fors vne fille tāt seulement. tu nas freres ne gousins germains ne nulz aultres biē prochains amis pour paour desquelz tes ēnemis cessassent de toy persecuter et destruire. tu sces biē que tes richesses se mespilleroiēt et se deuiseroiēt en diuerses parties. et quant chascun aura sa piece ilz ne seront force de vēgier ta mort. Mais tes ennemis

B